



UNIVERSITÄTS-
BIBLIOTHEK
PADERBORN

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Caput XXXVII.

[urn:nbn:de:hbz:466:1-64103](#)

numeris, & difficillimè ob multitudinem & varietatem Dicecesium specificandus.

Imperatores, & Reges ex Ordine primo S. FRANCISCI ibidem historicè specificat decem, concludens his verbis: Jubeor hīc iterum calatum retrahere; quando accuratissimus P. Felix Reinec. in suis Sapient. (Solone & Thalete) per extensum inducit variam Imperatorum, & Regum [maxime ex Archi-Ducali Domo Austriacā prodeuntium] inclinationem; quā humilem Ordinem S. FRANCISCI suis favoribus, & gratiis prosequi dignantur, eundemque potentissimā suā protectione fovent, fulciunt, promovent, augent, & honorant. Quod si Filios Regum, Ducum, & Principum, numerare deberem, infinitus forem, ait Barth. Pisa. apud Fortun. Huber. in fine prolog. fol. 8. n. 227. de Filiis Regum, & Ducum. Nulla enim ferè Domus nobilis est in tota Christianitate, ex qua non fuerit aliquis Frater Minor; ideo tales regio sanguine insignes Archi-Duces, Duces, Principes, Nobiles, in scenam adducere, vel copia, vel modestia prohibet.

Omitti tamen vix potest ob utilissimos, & subtilissimos libros universae Theologiae de Deo trino, & uno, publicae luci datos: P. Theodorus Schmising. Westphalus, ex Ducatu Ravensbergenſi, ex nobilissima L. Baronum de Tatenhausen arce, & Familia oriundus; qui in Provincia Germaniae inferioris ad Ordinem Seraphicum assumptus, doctrinā & pietate Nationem Germano-Belgicam illustravit, & Provinciam Saxoniae S. Crucis ob grassantes Hæresum tempestates multum collapsam reformat.

Scenam claudat nostris etiam temporibus novissimis vivens D. Gasparus de Moscoso Osorio, Regii Sanguinis in Portu-Gallia Princeps, Decanus Cathedralis Ulyssiponensis, & Universitatis Conimbricensis Rector, nec

non Consilii Regii, ac intimae Expeditionis Aſſessor, Excellmi D. Marchionis de Gorca (Comitis S. Crucis, supremi Aulæ Magistri, & Portugalliae Magnatis) Frater: qui recusatā Archi-Episcopali Sede Ulyssiponensi, aliisque majoribus Dignitatibus, ſibi à Regia Majestate oblatis, ſacro ſe Habitū S. FRANCISCI Fratrum Minorum de Obs. induit in Conventu S. Antonii de Varatoggio in Regno Portugalliae; annōque evoluto, in Praefentia Suæ Regiæ Majestatis, maximâ Principum, Nobiliumque Coronâ circumdatae, ſolemne in eodem S. Ordine, & Conventu Professionem emisit.

Cujus Principis piissimum exemplum ſe- cutus in eodem ſimiliter Conventu Régulam S. FRANCISCI profellus est D. Anton. Ferdinand. de Meneses, unus ex primis Regiæ Ca- pellæ Magnatibus, ac Docto Conimbricensis, Filius D. Comitis de Ericeyra, Regii Consiliarii, & ex primis Regni Principibus.

Cùm enim individuus ſemper comes ſu- pradieti D. Gaspari, & ſocius fuerit in ſæ- culo; voluit pariter eſſe ejusdem ſocius & Confrater in Claustro. Idem & multi alii No- biles Regni, & Equites aurati ex duorum antefatorum Principum Familia non ſinē maxi- mā totius Regni ædificatione fecerunt.

C A P U T XXXVII.

Series Sanctarum ſolemniter cano- nizatarum, cum Beatificatis
ex zdo Ordine

S. FRANCISCI.

CXLVII. **S. CLARA** prima Plantula Sera- phici P. S. FRANCISCI, & Fundatrix virginis ſui Ordinis. [Clarissarum] nascitur Aſſisi in Umbria, ibidemque in Mo- naſterio ad S. Damianum moritur anno

1253. ætatis sue 60. canonizatur ab *Alexandro IV.* ad diem 12. Mensis Augusti.

S. Catharina Bononiensis. solemnissimè canonizata à regnante summo Pontifice *Clemente XI.* die 22. Maii. 1712. quam Solemnitatem ego ipse cum stupore vidi Romæ.

BEATIFICATÆ.

B. Coleta. Nata Corbejæ in Picardia anno 1380. restituit Ordinem Regulari Observantiae. Moritur Gandavi in Flandria 1447. chorizatur à nonnullis Pontificibus, totique Ordini per omnem mundum, ac præsertim Regno Galliarum ab *Urbano VIII.* pro Beata exponitur ad diem 6. Martii. 1626.

B. Salomea. Boleslai Pudici, Polonia Regis Soror: Uxor Colomanni Hungariae Regis. Mortuo Rege Conjuge suo, rigido S. Claræ Instituto se addixit. 1255. Suscitavit mortuos ad vitam. *Innocentius XI.* anniversarium ejus diem sub ritu duplici celebrari indulxit.

De aliis Imperatricibus, & Reginis; quæ in Ordine S. Claræ cum sanctitatis fama obiérunt, & circa quarum vitam ob varia miracula Processus inquisitionis est institutus, videri potest sup. c. 8. *Eg. fusiæ Fort. Huber.* in *Hist. Prolog. Eg. Menol. S. Franc. §. 4.* fol. mihi 242.

C A P U T XXXVIII.

Series Sanctorum Canonizatorum, & Beatificatorum ex III. Ordine S. FRANCISCI de Pœnitentia ex I. Clasæ.

CXLVIII. *S. Brigitta Suecica Princeps, & Vidua,* tertio Ordini S. Franc. primitus inserta; deinde proprii sui Ordinis sub Habitū cinericeo Fundatrix. Moritur 1373. canonizatur à *Bonifacio IX.* anno 1391. ad diem 23. Julii.

S. Carolus Borromeus. S. R. E. Cardinalis, & totius Ordinis apud Sedem Apostolicam Protector. Moritur Mediolani anno 1584. canonizatur à *Paulo V.* anno 1610. ad diem 4. Novemb. ita *Menolog. in Hist. prolog. fol. mihi 239.* Sed ego non invenio, quod Tertiarius fuerit.

S. Conradus de Placentia. Moritur in Sicilia 1351. chorizatur à *Leone X.* & *Paulo III.* Pro sancto solemnizatur ab *Urbano VIII.* 1625. ad diem 19. Februarii.

S. Elisabetha, Landgravia Thuringia. Nascitur in Hungaria 1207. moritur Erfurti. 1231, canonizatur à *Gregorio IX.* anno 1235. ad diem 19. Novemb.

S. Elisabetha, Regina Portugallia. nascitur 1336. chorizatur à *Leone X.* & *Panno IV.* canonizatur ab *Urbano VIII.* anno 1625. ad diem 4. Julii.

S. Elzearius. Sobrani & Arriani Comes. nascitur 1284. moritur. 1323. canonizatur ab *Urbano V.* anno 1369. ad diem 27. mensis Septembri.

S. Ferdinandus Rex Castellæ à Clemente X. Sanctorum catalogo adscribitur anno 1675. ad diem 30. Maii.

S. Francisca de Pontiano Romana. Fuit quondam Tertiæ Ord. de Pœn. sed postea Ordinis S. Benedicti. Moritur 1440. chorizatur à *Paulo V.* anno 1608. & ab *Urbano VIII.* pro tota Ecclesia. 1632. ad diem 9. Martii. *Vid. Firm. Seraph. P. Hermanni Born ad dictum diem 9. Martii.*

S. Franciscus de Paula. Ordinis Minimorum Fundator. post 91. vitæ annos moritur Turonis in Gallia anno 1507. canonizatur à *Leone X.* anno 1519. & à *Sixto V.* inseritur Romano Breviario 2. April. Menol. Franc. annumerat illum III. Ordini in prolog. 240. & distinctius ad diem 2. April. fol. mihi 819.

S. Ignatius de Loyola. Fundator celeberrimæ per orbem Societatis JESU, volunt